

皇明世法錄
(四)

皇明世法錄卷之七十目次

奏議

紀陝西五邊事實



目終

皇明世法錄 卷七十 目次

一

皇明世法錄卷七十一目次

奏議

紀陝西五邊事實

目終

皇明世法錄 卷七十一 目次

一

皇明世法錄卷七十二目次

奏議

紀陝西五邊事實

目終

皇明世法錄 卷七十二 目次

一

皇明世法錄卷七十三目次

奏議

紀陝西五邊事實

目終

皇明世法錄 卷七十三 目次

一

皇明世法錄卷之七十

史官 陳仁錫 評纂

邊防

陝西

弘治初九月

賜哈密衛左都督罕慎織金紵絲二表裏及盛甲弓箭等物陞使臣指揮使滿刺阿克力等二人各一級并賞勞赤斤罕東等處効勞夷兵有差罕慎既復哈密奏稱番虜侵逼艱於城守多乞陞賞及請差官處置兵部會議以罕慎所求多不當與但新

皇明世法錄 卷七十 邊防

一 陝西

命

十一月兵部言鎮守甘肅都督周玉等奏稱瓦剌養罕王屢至赤斤罕東竊掠云欲犯甘肅近與罕慎締親又遣使隨哈密使臣奏欲入貢其情叵測請各差通事省諭罕慎輯和諸夷撫綏部落瓦剌果欲入貢當從舊路而進并

勅鎮巡等官嚴爲之備從之

封哈密都督罕慎爲忠順王兵部言甘肅孤懸河外

太宗皇帝以諸夷雜處難守特設赤斤罕東等衛各授頭目爲都督等官以領袖西戎又設哈密衛封脫脫爲忠順王以鎖鑰北門然後甘肅獲寧後脫脫之孫無嗣

朝廷命其甥把塔木兒爲都督以治之既而爲鎖魯檀阿力王所殺并據其地哈密遺民逃居苦峪

朝廷復命把塔木兒之子罕慎襲受都督管領遺民許以有功封王久之罕慎克復故城哈密人再疏請封且謂瓦剌養罕王及阿塞太師等在彼逼脅

皇明世法錄 卷七十 邊防

二 陝西

未獲寧處得假寵

大朝庶可鎮壓遠夷永爲中國藩屏事下本部會多官議僉謂宜從所奏

上曰罕慎既能克復境上撫輯夷衆其令襲封忠順王給金印冠服應否遣使禮部查例行之

五月左都御史馬文升言陝西甘涼乃古左賢王之地漢武始取之立酒泉張掖等郡以斷匈奴右臂然漢唐之末皆不能守宋則全失之至我

朝立行都司

太宗文皇帝命官鎮守正統初虜酋朵兒只伯爲患

賴靖遠伯王驥定西侯蔣貴克平之。天順間，亭來毛里孩爲患，誘敗寧夏副總兵仇廉，喪師數萬，自是虜入河套，寇抄不已。成化二十年以後，又時被侵擾。每獲厚利而去，我軍未嘗一挫其鋒。且陝西之路，可通甘涼者，止蘭州浮橋一道。賊若以數千人據河橋，則糧運難通，援兵難進。而甘涼難守，關中亦難保無虞矣。今甘涼兵疲糧少，乞預處分，以免後患。

上所言開邊方大計

命計議行之。

皇明世宗錄 卷七十 邊防

王 欽

八月，巡撫甘肅都御史羅明言：甘州左等衛逃軍未納草七萬二千餘束，倒死馬價七千六百八十兩，皆累見軍賠補。而甘州城北草湖百頃，抹草賣銀，歲可得二千餘兩，俱鎮守等官私擅其利，請歸之於官募人採草以補前數，餘以賣銀給軍買馬。下戶部覆奏：從之。英國公張懋等疏謂：興滅繼絕，姑俟徐圖。而救災卹患，誠不可後。今土魯番方有貢使至甘州，宜

勅甘肅守臣於哈密來奔之中，擇一人與俱往。

諭阿黑麻還其侵地，仍

勅赤斤蒙古罕東三衛。

諭以唇齒隣好之義，其圖興復有功，重加陞賞。其家依住苦峪者，守臣宜贍給之種糧農器，以不失其求援之意。從之。

二年正月，左都御史馬文升等言：去冬詢問延綏邊情，知虜騎俱在河套，近邊牆住牧射獵，通事與語云：明春欲來進貢，切惟此虜部落分散，不足深慮。但我武備不震，芻糧不足，亦所當憂。成化四年，虜酋河樂出，加思蘭占居河套，犯我邊陲。朝廷出師征勦，彼欲緩我之師，亦嘗遣人進貢，縣偏

皇明世宗錄 卷七十 邊防

田 欽

頭關經大同而入，受賞優厚。回套之後，大舉入寇，仍前剽掠。至成化九年冬，方逐出套，復犯大同宣府。又已數年，軍勞於征戰，民困於轉輸，卒而虜賊自相仇殺，邊方稍寧。及太監汪直之啟，繫總兵許寧之失律，官軍喪敗，所不忍言。今虜居河套，不見剽掠，聲言欲貢，意在緩我之兵。卽春初進貢，必以往年從榆林縣偏頭關來爲詞。彼旣入貢，餘衆在套，從容就草牧馬。比及彼回，草芽已茂，馬臚已壯，必藉言河水已開，不肯出套。乘此入寇，何以禦之。宜

老成深見

明主可與
忠言

勅延綏鎮巡等官操練軍馬嚴加防禦令通事與彼講說既欲進貢宜早出套從大同赴京若又以繇榆林爲詞必大張兵勢或設奇謀務逐彼出套不容久住貽患邊方下兵部覆議從之

五月陞他失卜刺哈孫等處有功夷人綽卜都及脫脫卜刺官各一級仍

賜其同功二十人各綵段二表裏初土魯番阿黑麻王攻哈密殺都督罕慎而委其酋長牙蘭住守綽卜都等舊款附哈密遂攻牙蘭殺其弟仍奪其叛臣者盼卜等人畜以歸

皇明世法錄 卷七十 邊防

五 陝西

上念哈密殘破欲激勵諸夷以圖興復故有是命

先是哈密部下都指揮阿木郎并脫脫卜花等避土魯番阿黑麻之難率衆歸

詔給口糧牛具種子農器居之苦峪沙州等處至是巡撫都御史羅明言哈密使臣人等前後留住陝西今應起送回還者其二百五十八人其陸續來貢與隨來避難人等復九百七十人困苦城垣歲久傾圯今宜修築赤斤罕東二衛以缺食求賑者尤衆阿黑麻因阿木郎之來心亦憂疑宜遣人

齎

勅往諭凡百供給之費非肅州儲積所能獨供於是戶部請發陝西布政司庫銀五萬兩及各府所貯贓罰紙價等銀并添撥各府民糧於肅州輸納從之

六月時有

詔調陝西兵馬四千於莊浪紅城備冬陝西守臣歐賢等言所部官軍不過五萬除備甘寧外所餘無幾今復調遣恐外重內輕請止選安會莊蘭馬隊三千爲遊兵東西應援似爲得策

皇明世法錄 卷七十 邊防

六 陝西

上曰甘蘭爲陝西藩蔽且紅城無險阻難守原調兵馬歐賢等宜如數選足依期督行備禦不可自分彼此致誤事機

七月禮部言哈密都督罕慎等所遣來貢二等以下使臣及存留甘州男婦俱如例給賜但聞罕慎近被土魯番阿黑麻王殺害地方亦被占據罕慎有弟曰奄克孛羅率部落寄住邊方其回

賜罕慎馬駝價物宜令伴送通事官帶付甘肅守臣俾審奄克孛羅果係罕慎親弟卽以給

賜從之

八月

命甘肅守臣給罕東左衛頭目盼卜等食米先是盼卜率所部攻速壇阿黑麻王以報哈密都督罕慎之怨不利既還衛乏食都督僉事只克爲請於朝下戶部覆議以罕東爲我邊藩籬今有難而告急於我義固宜賑遂有是

命

禮部言比土魯番速壇阿黑麻王并其妻哈屯阿喀具番書遣使貢馬本部已請賜馬價表裏此外又貢磁黃青金石非邊關驗放之數未敢進收

皇明世法錄

卷七十

邊防

七 陝西

阿黑麻又奏稱與哈密都督罕慎結親因乞

賜蟒龍九龍渾金各色膝襴紵絲等物然自遣使之後卽誘殺罕慎據有其地其不義如此今得免于誅伐足矣所乞恩賞恐不可濫施

上曰罕慎爲

朝廷効力阿黑麻既與結親又忍心殺之所奏乞皆勿與令通事以此意

諭來使知之

巡撫甘肅都御史羅明奏繳原封故哈密左都督罕慎忠順王

勅書印信冠服及原

賜紵絲綵絹藥材顏料盔甲等物蓋

勅印未至之前罕慎已遇害故也

十月初速壇阿黑麻之去哈密也留牙蘭及夷衆六十餘人守之至是哈密都指揮阿木郎覘知虛實請援于守臣調赤斤罕東兵夜襲攻其城牙蘭遁去斬獲頗多事聞降

勅獎諭鎮守太監傳惠等

命哈密故都督罕慎之弟奄克字刺襲都督同知給

新印

皇明世法錄

卷七十

邊防

八 陝西

賜綵段金織衣等物并

賜其保送都督指揮卜答散答等綵衣服等物有差以舊印爲阿黑麻所劫也

三年四月土魯番速壇阿黑麻王遣使來貢獅子方物且云願獻還哈密城池并金印以贖還先次拘留使者且乞遣使通好甘肅守臣都督周玉言阿黑麻辭雖順而情未實所遣使或以爲卽罕慎舊部之人恐有異謀請仍留先次使者徐議處置從之

六月先是甘肅修築邊牆總兵周玉督工過嚴軍

士張伏興楯成等違限懼罪擁衆乞寬限不允乃投瓦石擊王守臣奏其事下巡撫等官鞠罪擬徒兵部言軍士親毆主將兇惡頗甚且甘肅軍嘗用石擊都御史今去十年而舊弊復作宜重懲之上以伏輿等擁衆作亂俱當處死姑分首從處之命斬伏興于市梟首示衆楯成等十二人發遼東鐵嶺衛充軍痛杖一百遣之督工指揮李英等四人先旣激怒軍士繼又坐視不能阻遏各降二級調廣西潯州衛帶俸差操

皇明世法錄

卷七十

邊防

九

陝西

九月兵部言往年詰問土魯番殺哈密都督罕慎之故阿黑麻三陳狀向未輸服因再降

勅省諭今番書再奏稍知警畏請復申諭令退還哈密城池金印以贖前愆哈密避難番夷及諸國番使藉口糧乏給食互市之利往往留寓甘肅恐有前代氏羌雜處近甸之患請

諭諸守臣凡入貢番使回至甘肅者悉遣出關毋令久住哈密避難者及今秋成時月亦護送苦峪居住俟克復時還國從之

四年三月先是陝西榆林衛有土兵以助軍有戶丁屯種以養兵其後戶丁有逃回原籍者苦官司

勾擾之累議者欲聽從其便勿令勾擾下鎮巡等官議謂土兵戶丁耕守兩便彼此相資若逃者不究恐邊務漸廢宜將逃歸者免原籍本戶糧差一年在屯連租亦暫蠲之待秋成後有司仍遣還衛屯種其衛所但令移文原籍查取勿輒遣人勾擾戶部覆奏從之

皇明世法錄

卷七十

邊防

十

陝西

七月甘肅鎮守等官奏罕東等衛頭目刺麻朶兒只等劫西番哱阿族部落掠其頭畜以歸事下兵部覆奏謂罕東劫掠西番越我邊境漸不可長宜勅鎮巡等官遣人往諭罕東等從違利害并以此意遍告西番諸族自今不得構怨啟釁如議行之十二月土魯番速壇阿黑麻王遣使臣寫亦滿速兒等進貢駝馬方物并獻還金印一顆城池十一座人口五百餘甘肅守臣以聞具疏言哈密初復人心未定竊恐諸夷搖動別起釁端瓦刺聞風或有他謀欲將取到定安王派孫陝巴先送哈密管領夷衆其甘肅各衛寄住哈密刺灰夷人除先已送三百人于彼住守今再發精銳三百餘人令肅州移文右叅將彭清等交付陝巴并頭目阿木郎等管領各量給米糧盤費差撫夷官員通事量

帶軍馬護送出關至應止地方撫調赤斤罕東二衛頭目調領番兵轉送哈密併力住守其原帶家口并取到陝巴家小至日俟已安定再爲發遣其所還金印宜付陝西行都司暫收候阿黑麻輸誠納款遣使進貢請

勅一通量加賞賚以固結其心庶與陝巴等永爲和好哈密得以久安矣

五年二月

詔哈密故忠順王脫脫近屬姪孫陝巴襲封忠順王給

皇明世法錄 卷七十 邊防

上 陝西

賜金印冠服并護門兵器等物仍賞哈密都督同知奄克孛刺及陞都指揮使阿木郎爲都督僉事諭令擁戴陝巴以立國

七月陞哈密衛故都督僉事賽亦撒隆之姪寫亦虎仙都指揮使哈刺三俱爲都督僉事以土魯番獻還哈密城池多寫亦虎仙等前後撫諭之功也十月哈密忠順王陝巴既襲封歸國與野也克力奴秃卜花台卜之女結婚其隣部亦刺思王亦不刺因王率其頭目鎖和台卜平章滿可知院左右之各遣人奏其事因乞結婚財禮并賞賜甘肅守

臣亦爲之請禮兵二部覆議

朝廷興滅繼絕旣冊陝巴爲王亦須使有室有家方可保境宜大賚以結其心乞賞銀百兩仍用一品官婚禮定數

賜紵絳綾紗羅各八匹絹三十二匹大紅羅二匹腳紗二匹外加青紅綠布百匹以助之亦刺思王亦不刺因王及秃卜花台卜三人各

賜綵段四表裏鎖和台卜平章滿可知院各綵段二表裏議上從之

六年正月先是遣達官指揮法虎爾丁等

皇明世法錄 卷七十 邊防

上 陝西

勅安定王千奔令送哈密忠順王陝巴家屬千奔不從云陝巴不應襲忠順王爵爵當歸綽兒加前忠順王罕慎之姪千奔弟也故千奔求立之且要賞賞賜甘肅守臣以聞兵部覆奏以陝巴乃忠順王之孫素爲國人所推服前哈密未封遣使諭取應立者綽兒加自知力弱懷貳今事定之後乃爾反覆使人所言不宜輕信宜令甘肅守臣齎勅及綵段梭布往撫之并諭以朝廷恩信及哈密敗亡之故陝巴襲封之繇如猶不從用兵未晚

上從其議

四月土魯番速璽阿黑麻率兵夜襲哈密死者百餘人竄降者各半忠順王陝巴及其都督阿木郎據大土刺以守大土刺華言大土臺也圍之三日不能得阿木郎遣調也克力瓦刺二部兵爲援皆敗土魯番遂殺阿木郎執陝巴以去令其酋長牙蘭據哈密移書甘肅守臣謂本國既獻哈密城池阿木郎復潛導野也克力人馬至其國中抄掠朝廷所賜衣幣亦被剋減故爲此報復之舉陝巴亦遣人奏其事是時土魯番貢使撒刺巴失等二十

皇明世法錄

卷七十

邊防

十三

陝西

七人還未出境寫亦滿速兒等三十九人尚在京師于是甘肅鎮巡等官奏言阿木郎之禍固其自取但阿黑麻最爾小醜往年攻破哈密

朝廷曲加

恩養正宜感恩効順縱阿木郎有過當念哈密恢復未久止可具奏請治其罪乃輒敢擅攻城池所移

番文僭稱偽號言涉不遜乞

命將選兵先將酋長牙蘭等勦捕然後直抵土魯番擒斬阿黑麻取陝巴回衛若欲姑事包容則請降勅遣齎諭阿黑麻令送回陝巴事下兵部集

廷臣議謂哈密乃

太宗創建爲

中國藩籬陝巴又

皇上所錫封今既被劫去不宜置之不問守臣所畫

二策前策乃討罪之舉名義甚正但勤兵遠夷兵

家所忌姑俟徐圖後策爲柔遠之方時勢所宜諭

而不從加兵未晚今土魯番貢使在京師速爲發

遣與還未出境者令甘肅守臣就彼拘留仍請

勅就本番貢使擇二三人齎示阿黑麻諭以禍福俟

其回報上請仍移守臣各操練所部軍馬以備緩

皇明世法錄

卷七十

邊防

十四

陝西

急各諭赤斤罕東等衛頭目使知此虜兇逆互相應援若哈密夷衆挈家來奔卽送苦峪令都督奄克字刺管束量給糧種耕種以俟克復毋再散布肅州坐耗邊儲其貢使寫亦滿速兒等在京者亦令通事諭以拘留之意奏入

上曰阿黑麻包藏禍心已非一日

朝廷念哈密乃

祖宗所立欲繼其絕曲爲寬貸今阿黑麻屢惡不悛

悖逆天道妄自尊大奸情盡露本當與師勦除爾

羣臣既知此處置悉准所議寫

勅切責并

勅其肅鎮巡等官嚴督沿邊城堡將士用心隄備然邊方事重兵難遙度爾等仍會舉文武大臣二人

勅親臨其地會同鎮巡等官酌量事勢講求方略來

命兵部右侍郎張海前府都督同知緝謙經略哈密五月虜入寧夏之廟山墩指揮王良趙璽領兵三百拒之接戰未久虜伏兵七八百騎突起衝官軍爲三良等併力禦之不克趙璽并其下十四人皆

皇明世法錄

卷七十

邊防

十五

爲虜所殺射傷者三十四人王泉營備禦都指揮王傑率兵來援亦爲虜所圍會總兵李俊等兵至虜乃解去鎮巡官以聞并自劾失律之罪兵部言寧夏已屢失利

朝廷皆貸之守臣漫不知警復有此敗不一懲之無以戒後

上命停巡撫都御史韓文總兵李俊傑并鎮守太監張睿俱戴罪殺賊王良等三人下巡按御史逮問巡按御史李營葵陝西依山帶河內屏諸夏外控西陲號爲重鎮自撤東勝之後河曲內地棄爲虜

穴壘夏外險及南備河故成化中毛里孩訖加思蘭擾我邊場轉輸勞費民已不堪去歲以來寧夏烽火不絕行旅惶惑居民失業而典兵事者安居自適以爲無事今歲二月虜入廟山墩殺指揮一人旗軍十餘人肆行無忌儻秋高馬肥大舉入寇何以待之

七年六月兵部侍郎張海上安邊方略六事一駁戎以定酋帥甘肅卽古河西五郡之地自哈密爲土魯番侵占人民奔潰諸夷熟羌來歸在邊安插積聚數年蓄育日多羣犬豕之人而養之有識

皇明世法錄

卷七十

邊防

十六

寒心已嘗奏行守臣欲令驅遣因逋逃窮虜不可輕動至今徙之尤難况虜心性叵測今轉徙日久不立酋長未有統攝異日釀成大寇卒受其弊今甘肅等衛皆係鎮守分守重地屯宿重兵皆有外城分住夷人可以安輯防微杜漸終宜驅出但未有隙可乘耳及譯審都督奄克字刺都督僉事寫亦虎仙等皆可任使俟哈密平復設都督一人命奄克字刺治事以寫亦虎仙等分領則遠有酋帥之託近無几席之患矣一立法以除亂本訪得哈密夷人馬黑麻打力先使土魯番因叛附之尋率

番衆入寇。戕殺罕慎。奪據城池。後冒克番使入貢。歸則糾合哈密諸夷。授順土魯番殘滅其國。至今一國夷人。怨入骨髓。此賊家屬。有寄住甘州者。乞令撫夷官。密爲防範。俟哈密恢復之日。錮之本地。以待彼賊。或來歸者。擒之。治以重法。則內以懲創夷人。外以陰剪土魯番羽翼。禍亂可息也。一重譯以審夷情。中國之於夷狄。其情難知。如得其情。有以制之。安能爲中國患哉。今訪土魯番在哈密邊西七十里。土城大如營者三。小如堡者十六。戈甲不滿三百。兵馬不滿三千。親黨俱亡。止兄一人。與

皇明世法錄

卷七十

邊防

七陟西

相仇殺。左右親者十一人。與治國事。外無近番可恃之國。內無中國交通之人。昔猥何欲約匈奴。絕漢趙克國。勅視諸寇。毋令解仇。元昊寇宋。皆野利天都二將之策。神世衡以謀去之。今土魯番之情。事勢卒難周知。乞

勅甘肅守臣。或因其向背。或跡其虛實。或用世衡之謀。使彼親者相離。或從克國之計。使彼仇者不解。俟時而動。則虜情前知。廟算先定矣。一先計以遏亂略。阿黑麻蟠據西城。交構叛夷。以規貢利。昔莎車殺漢所置莎車王馮奉世。矯制誅之。邳支單于

拘留漢使陳湯。矯詔殺之。今阿黑麻殺罕慎。有莎車之罪。執陝巴有邳支之惡。臣計此虜專仰貢路爲生。此可以計。屈未可以兵破。若傷務姑息。恐墮其計中。以占哈密爲利。階以養陝巴爲奇貨。亂何時已。邪乞將賞賜土魯番使臣衣服銀兩。追回發甘州收貯。封閉嘉峪關。暫絕西域貢路。將本番使人男婦拘留。以彰天威。以挫虜志。縱一二人歸語彼酋。自審去就。責重主將。練兵聚糧。爲經久戰守之圖。俟虜款塞求通。果有誠意。賓服上請。區處則內振國威。外定禍亂。哈密可復矣。一修邊防。以固

皇明世法錄

卷七十

邊防

七陟西

封守。甘肅東中西三路。延袤三千餘里。四當敵衝。盜賊出沒無時。若不因地制利。爲悠久守備之圖。恐盜賊滋蔓。爲禍不可勝言。臣按諸路。或當增築墩墻。或當修理濠塹。動有數百里。取水之路。遠者或四五十里。工程浩大。必歲久乃可成功。乞勅甘肅守臣。於農閒之時。漸次修理邊防。或地有砂石者。用古人植木立柵之法。或水路不通者。用他邊窖水之法。使營壘相望。哨守相聞。靖虜安邊之計得矣。一預調度。以足兵食。甘肅地遠寡援。一有警急。赴京請兵。往回萬里。及調客兵。緩不濟事。通

者議調陝西洮河岷之軍策應尋復中止然寧夏雖近涼州係腹裏邊方洮河岷

係腹裏

衛分官軍用之有名無實惟延綏之軍生長邊陲諳識戰陣乞

勅延綏守臣請選遊兵三千本鎮操守專聽甘肅調用及行戶部區畫糧草務足主客兵五萬人三年之食則足食足兵久駐之基也

命兵部會議以聞

土魯番既據哈密又欲糾北虜入寇鎮守甘肅總兵都督周王三上疏引疾乞休監察御史白鸞劾

皇明世法錄 卷七十 邊防

九 陝西

其避難請寘之法別選他將代之

七月兵部會府部及科道等官議處侍郎張海所奏事宜謂土魯番阿黑麻劫哈密陝巴令頭目牙蘭據其城池雖進貢如故而留陝巴不遣若復降勅有虧國體宜行侍郎張海遣人再往開諭如送回陝巴獻還城池則許其進貢如尚不然仍拘留其使人寫亦滿速兒為質者所貢方物盡逐出關以絕之仍

勅甘肅鎮巡等官簡練軍馬慎固封疆遇有可乘之機密調赤斤罕東等衛番漢兵往哈密襲殺牙蘭

或無可乘之機封閉嘉峪關無納其使託將自竄陝巴雖封為王未授金印其來與否於中國無所損益宜別推賢者在彼治事如陝巴果還當別議處之

上曰所議處置夷情并進貢夷使未見歸一仍會官再議以聞

上曰所議誠是但陝巴係阿黑麻同類其來與否既與中國無所損益并哈密殘破城池如其獻還當何以處之仍斟酌議處以聞禮部兵部復會廷臣上議曰陝巴乃安定王千奔之姪忠順王之孫往

皇明世法錄 卷七十 邊防

十 陝西

歲

朝廷以阿黑麻獻還城印復封為王令守哈密蓋欲其鎮撫夷人耳今復為阿黑麻所虜孱弱可知就使復還亦難復立而哈密又不可棄謂宜革其王封暫居之甘州仍給賞安定王語以陝巴不能守之故且令都督奄克孛刺理哈密衛事都督寫亦虎仙等分管三種夷人其苦峪城垣壕塹令甘州守臣預為修濬凡夷人散處甘涼者盡令還居苦峪給以牛具口糧奄克孛刺及寫亦虎仙阿南答拜迭力迷失等及赤斤罕東二衛頭目宜量加賞

如此角分
尚有處分
不至過勞
築也

已神武至
北疆夷何
足平哉

勞以結其心復

勅奄克亨刺寫亦虎仙等使互相協輔并

勅罕東赤斤二衛都督等固守藩籬如陝巴未還不
必索取俟有可乘之機則動調番漢官兵掩殺牙
蘭克復城池然後徐移於哈密居守若此虜以貢
路不通或欲侵犯苦咷仍令奄克亨刺等相機勦
滅議上從之

八月大通事錦衣衛帶俸指揮僉事王英奏

朝廷設哈密衛常諸夷通路每歲各處回回進貢者
至此必令少憩以館穀之或遇番寇劫掠則人馬

皇明世法錄

卷七十

邊防

主陝西

亦可接護柔遠之道可謂至矣今速壇黑麻悖逆
天道二次犯邊

朝廷不卽加罪仍撫之以恩阿黑麻不思悔禍復奪
城池劫金印執陝巴跡其所爲悖逆益甚聞罕東
左衛居哈密之南相去止三日野也乞里居哈密
之東北相去止二日是皆唇齒之地阿黑麻於去
歲八月內約哈密守城頭目牙蘭遣使至罕東左
衛都督只克處脅令投順只克不從野也乞里原
屬哈密今與阿黑麻仇殺阿黑麻又曾殺其頭目
罕乃法愚其弟火者賽亦子密兒賽亦皆思報怨

又與其父頭目阿巴札乞兒不和阿巴札乞兒亦
思報復則其四隣親信皆有離心今宜降

勅旌勞罕東赤斤蒙古使人盡心圖報母爲阿黑麻
所誘并遣人密會火者賽亦等合攻以除土魯番
之患是以夷攻夷也又迤西各國進貢皆藉以互
市圖利每往來路經土魯番凡方物賞賜皆爲阿
黑麻擇取然後許過今各國使臣在邊但下令不
許進貢則各國因失利之故必與阿黑麻爲仇而
阿黑妻子亦不得各處賄賂安能無怨是土魯番
之城空無人跡必不能久占哈密矣章下兵部覆

皇明世法錄

卷七十

邊防

主陝西

奏謂以夷攻夷雖馭戎一計但夷性不常向背難
倚或事不成豈惟貽諸番之輕侮將益增逆虜之
狂悖幸而成功彼必恃功邀求從之則何以滿溪
壑之欲不從何以塞釁隙之端爲國遠謀當捐近
効宜但如前會議侍郎張海所處事宜

勅諭甘州守臣整兵操練遇有可乘之機量調番漢
官兵征勦仍諭罕東赤斤并野也克力諸番皆養
威蓄銳以俟調遣不可輕率貽侮庶得安攘之道
上曰中國馭戎當存大體其如兵部議行之

十月初哈密寄住夷人有三種一曰回回二曰禿

存大體與
聖人之旨

兀兒三曰哈刺灰至是哈密衛都督奄克李刺言於兵部侍郎張海謂夷人以種類高者爲根基非根基正大者不能管攝族類請以回回都督僉事寫亦虎仙及失伯顏答管回回禿兀兒知院阿南答及指揮使苦木管委兀兒哈刺灰千戶拜送力迷失平章革失帖木兒及舍人迷力迭失虎力管合刺灰海據以上奏謂七人者夷心信服宜稍崇名號設爲酋長庶幾得其効用兵部覆奏請

上命寫亦虎仙等三人各照舊授以原職阿南答及拜送力迷失革失帖木兒俱陞指揮僉事迷力迷

皇明世法錄 卷七十 邊防

三

失虎力授世襲正千戶既而海又言前奄克李刺推舉七人之時有脫脫忽者亦在舉中以其嘗被阿黑麻所虜故未及聞奏今脫脫忽自土魯番來歸其人在哈刺灰夷類中尤爲武勇請并授之職復命爲指揮同知

十一月協守寧夏都督僉事盧欽言寧夏僻居河外切臨戎虜所領人馬數止一千或八百又多老弱遇警往往誤事乞如大同宣府榆林副將例分領三千別爲一營操練聽調兵部議寧夏東西相距止四百餘里而北有賀蘭之險南有黃河之阻

且軍馬之數道不滿八千與宣府等處勢大不同若副將事領三千則兵分勢寡號令不一請行鎮守等官精選在城軍馬三千籍記於官如在京團營別爲隊伍以時操練遇警則量其輕重或撥一二千或盡付欽統領出戰事寧歸鎮兵亦還營庶將權不分而應敵有備從之

勅兵部侍郎張海都督同知緜謙曰得爾等奏番酋阿黑麻遣人齎番文進貢就獻還哈密城池及被虜陝巴而城池尚爲其黨牙蘭占據陝巴猶留其地三角城意在邀求先前拘留夷使屢下兵部會

皇明世法錄 卷七十 邊防

三

多官議僉謂此酋自其祖父以來違天悖理乍服乍叛已將哈密三次殘破而今變詐不一尤難憑信誠如爾等所奏果將陝巴送回城池奉還就於所遣夷使內選其親信者齎彼所貢輕便之物差人伴送赴京餘衆悉令在彼住牧獅子馬駝俱留在邊騎用先前拘留夷使爲亦滿速兒等俱發遣出關若陝巴并城池未曾獻還卽將今來夷使并方物追逐出關任其所之以後再不許進貢原拘夷使仍前拘留如法關防不許透漏其餘諸番若天方國撒馬兒罕等處差來貢使俱照舊驗放不

在此禁。又謂陝巴失地喪身。柔懦無爲。縱使送回。亦難再立。宜革去王封。暫在甘州居住。厚加館穀。原賞賜衣服等項。除蟒衣外。其餘照數給與。聽其收用。候禮部奏請。以禮送還。安定。哈密城池。乃太宗文皇帝所立。不可輕棄。今爲牙蘭所據。且屢經殘破。縱使獻還。亦難遽復。宜令都督奄克。李刺。如往年罕慎故事。掌管哈密衛事。與都督等官。寫亦虎仙等。分管三種夷人。暫居苦峪。養威蓄銳。漸圖興復。其城垣壕塹營堡等項。爾等預爲修築完備。通將散處甘涼各衛哈密夷人。盡數送去。合用口糧牛犁等項。亦如往年事例。量爲措辦。驗給。必須足用。不至告乏。仍支給官錢。買辦絲段。梭布。量賞赤斤罕東二衛頭目。并奄克。李刺。寫亦虎仙。阿南答拜。迭力迷失等。以結其心。令其益堅。臣節固守藩籬。凡

皇明世法錄

卷七十

邊防

重

陝西

勅中所載。皆是會官計定事理。爾等卽會同彼處鎮巡等官。酌量事宜。而行務使夷民安妥。邊方寧靜。處置畢。日具奏回京。

十二月兵部侍郎張海言。今阿黑麻貢使復來。而陝巴尚未歸。城池尚未復。臣謹遵成筭。凡阿黑麻

所貢方物。盡數驅逐出關。示以絕意。其前次貢使。寫亦滿速兒等一百七十二人。仍舊拘留。不遣。原給阿黑麻。并使臣絲段。諸物。悉貯官庫。當日印封。閉嘉峪關。暫絕西域貢路。此後如天方國。或撒馬兒罕。使臣來貢。仍左驗放入。其來自土魯番者。一切拒之。萬一阿黑麻自欲送死。則我邊將士。及哈密之寄住苦峪者。自有以待之矣。臣自至甘州。苦峪城池。修濬者數百丈。哈密甘涼地方。諸夷往居苦峪者。已二千餘人。其行者有所齎來者有所止。耕者亦頗有其具矣。臣當歸

皇明世法錄

卷七十

邊防

重

陝西

朝謹具疏復

命下其奏於所司

兵部左侍郎張海。都督同知縵謙。還自甘肅。科道並劾海等奉

命。經略哈密二年。事未就緒。輒上奏請還。及至真定。復得

勅令。賡恤甘涼邊軍海等。又不復請

命。徑入

朝復

命。請論以法

命下錦衣衛獄鞫

命英國公張懋及都督莊鑑馬昇簡閱官軍操練待有警具奏啟行

弘治八年正月兵科都給事楊瑛等奏比以肅州有警

命英國公張懋等選京營兵往征臣等謂京營官軍未經戰陣兼邊儲告乏莫若急募土民以益兵開鹽糧以足邊庶緩急有備或遣官齎

內帑銀赴彼招糧軍儲或

勅總兵劉寧調集諸路遊兵相機戰守庶得居重馭

皇明世法錄 卷七十 邊防

主戰

輕之宜吏部主事張綵亦奏甘涼屏蔽關中所在

鎮巡等官各務因循偏執行事以致邊備廢弛官

軍困敝胡虜知我虛實輕視憑陵乞寬免連負固

結人心慎選將官簡任巡撫重其委寄修飭武備

以靖地方京營將士不必遠去並下兵部集廷臣

議於是兵部尚書馬文升等奏今河水將開未知

虜衆所在我兵遽難進止京營軍馬之選亦非專

爲甘涼而動所據宣府大同原調官軍各四千今

益二千合萬人以爲延緩之援延緩原調遊兵三

千今益二千合爲五千以西原調官軍六千合延

緩其萬一千以爲甘涼之援請馳文延緩寧夏甘

涼守臣規虜勢緩急量主客兵馬及議京營兵將

動息之宜以聞沿邊軍儲俱收本色官軍征哨悉

支口糧甘涼軍士被寇失業屯田連負悉與除免

軍士質賣妻子者官爲贖還甘涼左副總兵張懷

老疾難任乞賜罷免肅州右叅將彭清習戰有謀

善撫士卒請陞擢以勵其餘并

勅鎮巡等官簡練兵馬修理軍器缺馬之處本部仍

發銀二萬兩買補若虜衆壓境急遣人來奏仍先

招募土兵給與銀賞其採草湖場爲鎮守官侵占

皇明世法錄 卷七十 邊防

主戰

者仍歸官聽軍士採草上納

上從其議

命彭清克副總兵暫分守肅州

二月先是鎮守甘肅太監傳惠等奏哈密衛委兀

兒夷人兒兒的能黨土魯番爲惡其家屬宜安置

廣西邊方以離散其黨兵部議行

五月鎮守甘肅都督同知劉寧等奏罕東左衛都

督只克報沙州地方屢被土魯番阿黑麻搶殺且

逼脅各夷歸附而哈密都督奄克字刺又報苦峪

城內近報火燒機房舍無以自存乞容歸降各乞